

16 Mei 2013

Jaargang 6 – Uitgawe 14

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

- Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

## VOORBLAD

### Kerkrade praat oor kerkwees in die huidige tyd

'n Hele aantal kerkrade het konstruktief gereageer op die omsendbrief onder die opskrif *Gesprek oor kerkwees in die huidige tyd* (Desember 2012). Dit is verblydend om te lees: Lidmate moet verstaan dat die gesprek nie wil afbreek of kritiseer nie, maar kreatiewe oplossings vir nuwe omstandighede wil vind.

Ouderlingevergaderings bevestig die belang van 'n fokus op die drie-enige God en die bestudering en suiwer verkondiging van die Woord van God. Die Woord moet in die persoonlike lewe van lidmate 'n sentrale plek inneem, en in die konteks van die gemeente sentraal staan in die erediens, sakramentsbediening, kategetiese, geloofsgesprekke, huisbesoek en diakonie.

Dit moet ook 'n sentrale plek in die opleiding en werk van die predikante inneem. Deeglike teologiese opleiding moet die grondslag lê dat predikante ook in die gemeente primêr op die bestudering en verkondiging van die evangelie van Jesus Christus kan fokus. Kommentaar uit gemeentes toon egter dat daar nog heelwat gepraat moet word oor hoe ons die Woord interpreteer en op ons lewens van toepassing maak.

Veranderende waardestelsels en 'n veeleisende lewenstyl lei tot 'n groot behoefte aan pastorale versorging. Ouderlinge, diakens en lidmate sal predikante egter hierin moet ondersteun en al meer verantwoordelikheid moet neem om mekaar te bedien.

'n Goeie balans is nodig tussen 'n gemeente se gerigtheid na binne en na buite. Gemeentes verstaan dat hulle nie ter wille van hulleself bestaan nie en beklemtoon dat hulle in die breër gemeenskap diens moet lewer en barmhartigheidswerk moet doen. 'n Gemeente mag ook nie net na sy eie belange omsien nie, maar moet 'n oog hê vir ander gemeentes én vir die Kerk in sinodale verband. 'n Oorkoepelende kerkstruktuur waarin ons ons onderlinge geloofsband koester en vir mekaar verantwoordelikheid aanvaar, is steeds nodig. Tog beskou Ouderlingevergaderings sinodale strukture, geboue, tehuise en betrokkenheid by ekumeniese liggame dikwels as randsake.

Almal is terdeë bewus van die finansiële druk op die Kerk, maar stem saam dat finansies nie die bepalende faktor in ons kerkwees mag word nie. Dalk is daar tans te veel gemeentes vir die aantal lidmate in die Kerk, en terugstigting en kombinasies kan oorhoofse koste verminder. Predikante kan in meer as een gemeente op 'n slag dien, terwyl deeltydse predikante waarskynlik al meer algemeen sal raak.

Die Kerk se sinodale dienste moenie afgeskaal word nie, en die sentrale administrasie moet in stand hou gehou word ter wille van die eenheid en identiteit van die Kerk. Kerklike rade se werk kan dalk meer effektief op ringsvlak gedoen word, en die Kerk moet waak teen die skep van sinodale poste. Die essensie van sinodale verband moet wees om kontak tussen gemeentes te fasiliteer en as ondersteuning te dien vir die gemeentewerk.

Die reaksie van Ouderlingevergaderings bevestig egter ook die diversiteit wat daar reeds binne die Kerk bestaan, en dit stel 'n groot uitdaging aan die komende Algemene Kerkvergadering. Hoe versoen ons die weerstand teen verandering wat betref die kerklike struktuur (die presbiteriaal-sinodale kerkstruktuur of die herder-kudde-model van gemeentewees) met die nood van gemeentes wat nie meer kan bekostig om só kerk te wees nie? Hoe versoen ons die weerstand teen vernuwing in die erediens (wat nuwe kerkmusiek en liturgiese ordes insluit) in sommige gemeentes met die neiging tot vryer en selfs meer charismatiese erediens in ander gemeentes? Ongekontroleerde diversiteit kan 'n probleem raak.

Die vrese hiervoor lei helaas in enkele gevalle tot verwyte en selfs subtiele dreigemente. Mag ons mekaar tog nie vervreem nie, maar mekaar eerder in liefde en met begrip vashou ter wille van die kernwaardes wat vir ons almal so kosbaar is.

Dr Wouter van Wyk

## Skakels

Webblad van die Hervormde Kerk [www.nhka.org](http://www.nhka.org)  
Die Hervormer [www.hervormer.co.za](http://www.hervormer.co.za)  
e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)



## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

### Vakante standplase

- **Gemeente Turffontein in Johannesburg** beplan om eersdaags te beroep en wag aansoeke in van predikante wat in 'n **deelydse hoedanigheid** in die gemeente kan werk. Die gemeente bestaan uit 276 belydende lidmate, waarvan die helfte bo 50 jaar oud is. Die omvang van die verantwoordelikheid en vergoeding is onderhandelbaar. Die kerkraad behou die reg voor om enige of geen van die aansoeke te aanvaar of nie. Navrae kan gerig word aan die skriba, Lucas Roodt, by 011 436-0094 (h) naure of 078 456 0837. **Aansoeke sluit op 31 Mei 2013.** CV's kan gestuur word na [Andrew.lucas@iburst.co.za](mailto:Andrew.lucas@iburst.co.za).
- **Gemeente Bloemfontein** beplan om eersdaags te beroep en wag aansoeke in van predikante wat op 'n **voltydse basis** in die gemeente kan werk. Die omvang van die verantwoordelikhede en vergoeding is onderhandelbaar. Die kerkraad behou die reg voor om enige of geen van die aansoeke te aanvaar. Navrae kan gerig word aan Chris Smit by 083 501 0636, en CV's moet gestuur word na [chrisfcs@gmail.com](mailto:chrisfcs@gmail.com). **Aansoeke sluit op 31 Mei 2013.**

## PREDIKANTE EN GEMEENTES

Stuur asseblief berigte oor lief en leed en gemeentegebeure na [produksie@nhk.co.za](mailto:produksie@nhk.co.za). Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.

- Mev Annemarie Kruger, weduwee van ds Hannes Kruger wat in Junie 2011 oorlede is, stel ds Kruger se **bykans volledige versameling** van die Kerk se **Almanak/Bybelse Dagboek van 1929 tot op hede** beskikbaar. Belangstellendes moet asseblief self reël dat die betrokke boeke afgehaal word. Kontak mev Kruger by 083 390 7225.
- **AGB-wenk:** Ouderdom word dikwels verkeerdelik as die laaste fase tussen lewe en dood beskou. Inderwaarheid is dit dié tydperk in 'n mens se lewe waarin jy voluit, volwaardig en menswaardig leef en 'n reuserol in die lewe van kinders, kleinkinders en vriende speel. Dit is 'n uiters kosbare fase van die menslike lewe wat gerespekteer en vertroetel moet word. Vir meer inligting, **kontak jou diaken of die AGB** by 082 786 8448.
- 'n **Preekskets** wat **dr Annelie Botha** vir **Pinkstersondag 19 Mei** geskryf het, is op Woensdag 15 Mei aan predikante gestuur. Dit kan ook by Bybelstudiegeleenthede of saam met 'n eredienswerkgroep benut word. Die reeks preeksketse is as hulpmiddel vir predikante bedoel, wat vry is om self te besluit of en hoe hulle daarvan gebruik kan maak. **Lidmate** kan gaan na [www.nhka.org](http://www.nhka.org) → So werk ons → Toerusting → In Christus se voetspore vir agtergrondinligting oor die betrokke teksgedeeltes wat gesprek in die gemeente kan stimuleer.
- **Evaluering van voornemende teologies studente.** Die evaluering vind op **12 Julie 2013** by UP plaas. Matrikulante asook persone wat reeds gematrikuleer het, kan aansoek doen vir evaluering om as student van die Kerk te studeer. Aansoekvorms kan aangevra word vanaf die Administrateur, Kuratorium vir die Teologiese Opleiding, Posbus 2368, Pretoria 0001; tel 012 420 5393; faks 012 420 4303; e-pos [betsie.brits@up.ac.za](mailto:betsie.brits@up.ac.za). Die sluitingsdatum vir inhandiging van volledig voltooide aansoeke is **14 Junie 2013.**



- **ADV se Jaar vir Gestremdheid: Respekteer en akkommodeer.** Praat stadig, die meeste mense met gehoorverlies kan lippe lees. Gebruik baie gesigsuitdrukkings wanneer jy praat. Wees rustig en moenie geïrriteerd lyk as jy moet herhaal wat jy gesê het nie. Hulle kan maklik jou lyftaal lees (Vicki Fourie, Mej Dowe SA 2009).
- **Toer die Droom 2013: Gemeente Philadelphia**  
Ter ondersteuning van minderbevoorregtes in en om Pretoria  
**29 Junie tot 13 Julie** uit Pretoria na Laeveld en terug  
Beoog om vanjaar R500 000 in te samel  
Wil u optree as naamborg (R40 000), sekondêre borg (R20 000)  
of enige ander bedrag bydra?  
Kontak Joleen Joubert (Bemarking) by [joleen@mweb.co.za](mailto:joleen@mweb.co.za) / 072 272 6644

- Neem asseblief kennis dat **Gemeente Breyten** se **e-posbesonderhede** na die volgende verander het:  
Kerkkantoor: [breytenhk@vodamail.co.za](mailto:breytenhk@vodamail.co.za)  
Skriba: Hendrik de Villiers [hcdv@vodamail.co.za](mailto:hcdv@vodamail.co.za)

- **Kerklieke eiendom in Venterskroon.** Die Raad van Finansies het besluit om eiendomme wat nie 'n finansiële bydrae tot die roeping van die Kerk maak nie, te verkoop. Die Raad versoek belangstellendes om 'n aanbod in te dien vir die eiendom te Venterskroon. **Die eiendom:** 6,6 ha met drie geboue op waarvan twee woonhuise is en een die ou polisiestasie. Al drie die geboue dateer uit die vorige eeu. Twee van die geboue is tevore gerestoureer, maar die derde een kort baie aandag. Daar is ook 'n tronk op die eiendom en nog 'n gebou wat voorheen 'n motorhuis was maar omskep is in kamers. Op die eiendom is 'n boorgat wat water voorsien aan die kampterrein, en daar sal waarskynlik 'n serwituuat geregistreer word om watervoorsiening aan die kampterrein te waarborg. Hierdie is nie die grond waarop die kampterrein geleë is nie. **Aanbiedinge:** Rig die aanbiedinge aan Piet Beukes by Posbus 2368, Pretoria 0001 – verkieslik in 'n verseëelde koevert – **voor 24 Mei 2013.**

## Spesiale eredienste en feesnaweke

**Kom kyk**  
alles word nuut

**PINKSTERSONDAG**

Wanneer: 19 Mei 2013  
Tyd: 18:30  
Plek: Afrikaanse Hoër Seunskool  
Navrae: Dr Sanrie de Beer (083 226 1866)

Begeleiding deur onder andere die Pretoria Jeug Filharmoniese Orkes

- **Gemeente Warmbad: Sondag 26 Mei om 09:00**  
60-jarige feesviering van die gemeente  
en 25-jaar-ampsjubileum van ds Marius Bacon  
Nagmaaldiens om 09:00 met vingerete na die diens  
Alle oudlidmate welkom  
Kontak die gemeentelike kerkkantoor by 014 736 3124



- **Gemeente Vereeniging: Eeufeesviering 24 tot 25 Augustus 2013**  
**Saterdag 24ste:** Gesellige bring-en-braai op kerkerrein  
**Sondag 25ste:** Erediens met Albertonse Mannekoor om 09:00  
Program en gesamentlike middagete  
Gelukwensings kan gestuur word na [pbboshoff@telkomsa.net](mailto:pbboshoff@telkomsa.net)
- **Gemeente Otjiwarongo: 75-jaar-viering**  
**Vrydag 30 Augustus:** Optrede deur opkomende musiekster Lisa Bröner  
**Saterdag 31 Augustus:** Feesgeleentheid  
Stalletjies, gesinsvermaak, potjiekoskompetisie en jaarlikse naggholf  
**Sondag 1 September:** Hoeksteenonthulling en erediens  
gelei deur ds Barrie Oberholzer  
Vir verdere inligting, inskrywings of borge kontak ds Elritia le Roux  
+264 876 3664 of e-pos [propeleroux@gmail.com](mailto:propeleroux@gmail.com)
- **Gemeente Goede Hoop (Piet Plessis): 100 jaar**  
**Feesnaweek 29 November tot 1 Desember 2013**  
Basaar en hoeksteenoprigting (met optrede deur sanger Pieter Smith)  
asook Voorbereiding Saterdag  
en Nagmaal en Danksegging met doop Sondag  
**Gedenkalbum** deur prof Hennie van der Westhuizen  
Navrae en bestellings aan ds Arno Nieuwhof by 073 240 6030  
of [arnonieuwhof@gmail.com](mailto:arnonieuwhof@gmail.com) of op sy Facebook-blad

## Predikanteverjaardae

- **Die volgende predikante verjaar tot 24 Mei, en word hartlik geluk gewens.**
  - Donderdag 16 Mei: Ds André Swanepoel (Vanderbijlpark-Suid)
  - Vrydag 17 Mei: Ds André Strauss (buiteland)
  - Saterdag 18 Mei: Di Marissa Kidson (Pretoria-Wes) en Stoffel Smit (emeritus)
  - Maandag 20 Mei: Dr Piet van Zyl (Ermelo), di Hendrik Odendaal (Rietvallei) en Theuns Snyman (emeritus)
  - Dinsdag 21 Mei: Ds Johan van Greunen (beroepafwagting)
  - Donderdag 23 Mei: Ds Carel Johann de Bruin (siekte-emeritaat)
  - Vrydag 24 Mei: Dr Robert Jones (Kriel)

## Beplande vergaderings

- Vrydag 17 Mei: Finkom van die Ondersteuningsraad
- Dinsdag 21 Mei: Beplanning van tweedag-werksessie van die 70ste AKV
- Woensdag 22 Mei: Opening 6de ADV
- Donderdag 23 Mei: 6de ADV
- Vrydag 24 Mei: 6de ADV
- Saterdag 25 Mei: 6de ADV

## 6de ADV

Volg die Algemene Diakensvergadering (ADV) lewendig by [www.diakens.co.za](http://www.diakens.co.za).  
Die tydskedule sien soos volg daar uit:

### Woensdag 22 Mei

- 18:30 Openingserediens (erediens spesiaal ingerig vir mense met gestremdhede). Deelname deur Prinshofskool vir Visueel Gestremdes se koor, Transoranje-skool vir Dowes se gebare-





## taalkoor, Skriflesing uit die Braille-Bybel, en die hele erediens word in gebaretaal getolk.

19:30 Openingsremonie en toekenning van die Jan Reynierz-penning

### Donderdag 23 Mei

08:00 Opening, konstituering, verkiesing van voorsitter en skriba, agenda  
14:00 TOIBO (Transoranje Instituut vir Buitengewone Onderwys)  
15:00 Gestremdheid in die NHK  
**15:45 Loop in die skoene van iemand met 'n gestremdheid**  
17:15 Doulos Armoedebediening  
17:30 Kindersorg  
**19:00 Vicki Fourie, voormalige Mej Dowe SA**

### Vrydag 24 Mei

09:00 Finansies  
11:00 Ondersteuningsraad (Maatskaplike Werk)  
12:00 Bejaardesorg  
14:00 NHSV  
15:00 OTMT (Bejaardesorginrigtings) en stabilisasiefonds  
16:30 MIV/vigs  
**19:00 Optrede deur Uitkoms Versorgingsentrum (verstandelike gestremdheid)**

### Saterdag 25 Mei

08:00 Toerustingskursus  
09:30 Terugvoer oor RDV's  
11:00 Finansies – oplossings en begroting

## Kursusse en toerusting

- **Hervormde Teologiese Kollege (HTK): Tafelgesprek Vrydag 24 Mei vanaf 14:00**  
Raadsaal, Dirk van der Hoffgebou, Pretoria  
Tema: *Teologiese Opleiding – die vennootskap tussen die Kerk en UP*  
Inleier: Dr Wim Dreyer  
**Alle lidmate en ampsdraers welkom**
- **Voortgesette Teologiese Toerusting vir Predikante (VTT) 4 en 5 Junie en 5 en 6 November**  
Tema: *Geloofsonderskeiding*  
By Gemeente Wapadrant  
Koste **R350** per persoon (**Let wel: Nié R400 nie!**)  
Predikante wat VTT in Junie wil bywoon, moet mev Betsie Brits **voor 20 Mei** kontak  
Faks 012 420 4303 / Tel 012 420 5393 / [betsie.brits@up.ac.za](mailto:betsie.brits@up.ac.za)  
Registrasiefooi verkieslik vooraf elektronies of per bankdeposito  
Kerkgeld vir Kerkwerk, ABSA, rekeningnr 020 149 752, kode 63 20 05  
Verwysing 2013K VTT en naam van kursusganger
- **Interkerklike trauma-ondersteuningskamp Vir naasbestaendes van slagoffers 9-11 Augustus** by Magaliesberg-kampterrein (minder as uur van Johannesburg, Pretoria en Rustenburg)  
Inisiatief van Elize Perrin, suster van Mauritz Oberholzer (Hy is in September 2012 in plaasaanval naby Brits vermoor)  
Hooffasiliteerder: Ds Pieter Oberholzer, Weermagkapelaan en predikant van NG Kerk Groenkloof  
Koste: R550 per persoon (akkommodasie, etes en konferensiefasiliteite)  
Bespreek by Elize by 072 600 5809



of [deoudepastorie.victoriawest@gmail.com](mailto:deoudepastorie.victoriawest@gmail.com)

Navrae oor inhoud van program aan Pieter by 082 332 5782

of [pieterjanob@gmail.com](mailto:pieterjanob@gmail.com)

**TOEGEPASTE BERADINGSKOOL VIR LERAARS,  
KERKLEIERS EN TEOLOGIESTUDENTE  
30 VBO-PUNTE**

Hierdie skool bied u 4 dae se bruikbare beradingsopleiding en vaardigheidsontwikkeling wat binne u pastorale konteks toegepas kan word.

**Temas en praktiese oefening**

- Trauma in die bediening
- Seksualiteit en geslag
- Konflikontlonting
- Vooroordele
- Omgeegesprekke
- Etiek en diensbaarheid

**24-27 Junie 2013, Steve Biko-hospitaal, Pretoria**

**Koste R1 500**

**contact@acdisa.org vir meer inligting**



Aangebied deur die Applied Counselling & Development Institute of SA se geregisteerde en gesertifiseerde pastorale en sielkundige beraders en traumapraktisyne.

## Beskikbare behuising

- **Andries-Marié Oosthuizen Monumenttehuis-woonstelle in Parys**  
Daar is tans die volgende behuising vir senior burgers beskikbaar:  
2 x enkelkamer met 3 etes, wasgoed en skoonmaak van kamer 1 x per week  
1 x lieflike enkelkamer met eie kombuis, stoep en tuin,  
met 3 etes, wasgoed en skoonmaak van kamers 1 x per week  
R5 800 per maand  
Kontak matrone Botha by 056 811 2185 vir meer besonderhede

## Konserte en feeste

**YOTI DIE GRIEKSE BOERTJIE**  
Hervormde Gemeente Pretoria-Noord  
**KONSERT, ETE, DANS**

**Vrydag 24 Mei 2013**

**Tyd: 18:30 vir 19:00 stiptelik**  
**Koste: R120 per persoon**  
**Drag: Wit en blou**  
**Navrae: Sandra 072 445 6610**

**Eie drinkgoed. Breekborde @R5 elk**

- **Saterdag 25 Mei: Gemeente Culembecck**  
**Manne-Oggend** met prof Stephan Joubert as spreker  
In die Simfonie-ouditorium, Witpoortjie, Roodepoort  
R120 per persoon  
Bespreek by ds Annerie Conradie tel 083 291 4782
- **Vrydag 31 Mei om 19:00: Gemeente Kaapstad**  
**Konsert** met Kaapse Walliese Mannekoor te Tygerberg  
Kaartjies R40 per persoon  
Navrae aan ds Kathleen Smith by 021 551 5264



- **Maandag 3 tot Vrydag 7 Junie: Gemeente Hartebeeshoek Jaarlikse Revuefees**

Laerskool Akasia om 19:00  
Magaliesberg se Kinderkoor op Woensdagaand 5 Junie  
R50 per persoon, voorskoolse kinders gratis  
Te koop: Vetkoek met maalvleis, kerrie-en-rys, drinkgoed  
Kontak Elma Williams by 082 562 5244 vir meer inligting  
Kaartjies ook by deure te koop

- **Vrydag 7 Junie: Gemeente Bergsig: Fredi Nest**

18:00 tot 19:00 in kerksaal  
hv Leonide- en Karel Trichardt-straat, Mountain View  
R30 per persoon  
Navrae by 082 377 0747

## Kampe en toere

- **Konteks-leserstoer na Turkye: 2 tot 18 Oktober 2013**

15 dae op die voetspore van Paulus, Johannes en die eerste Christene  
Toerleier: Prof Ernest van Eck  
Plek vir slegs 30 – bespreek betyds!  
Kontak prof Van Eck by 012 420 3804 / 082 413 2332 /  
[ernest.vaneck@up.ac.za](mailto:ernest.vaneck@up.ac.za)  
of Louise Geyser (reisagent) by 012 361 0579 / 082 560 4279 /  
[louise.geyser@absamail.co.za](mailto:louise.geyser@absamail.co.za)

- **Toer saam na Israel en Egipte: 28 November tot 7 Desember 2013**

Beleef God in die voetspore van Jesus  
Toerleiers: Ds Fanie Beukes en dr Francois Carr  
Vir meer inligting, kontak ds Beukes by 073 167 1183  
of per e-pos by [faniebeukes@yahoo.com](mailto:faniebeukes@yahoo.com)

## Kompetisies en fondsinsamelings

- **Gemeente Tzaneen: Jagpakket te wen**

1 x koedoe, 1 x blouwildebees, 2 x rooibokke  
Plus gratis verblyf vir 4 persone op jagplaas in Waterpoort  
Kies tussen 3 beskikbare naweke  
Slegs 300 kaartjies beskikbaar teen R300 elk  
**Sluitingsdatum 24 Mei 2013**  
Skakel 015 395 4083 of gemeentelike kerkkantoor by 015 307 4508

- **Gemeente Magaliesmoot: Fietsry en stap vir Bybels Saterdag 25 Mei vanaf 08:00**

Aan die voet van die Magaliesberge  
5 of 10 km fietsrit en 5 km pretstap  
Inskrywingfooit R30 per persoon  
Pryse te wen en eetgoed te koop  
Kontak Gerda Naude by 084 565 5008 of [nhkmagmoot@gmail.com](mailto:nhkmagmoot@gmail.com)  
om vooraf in te skryf  
of skryf in vanaf 07:00 by die kerkgebou

- **Gemeente Bergsig: Diakens: Straatverkope Saterdag 25 Mei 08:00 tot 13:00**

Vingerlek-lekker gebak, pannekoek, die unieke diaken-jaffel,  
warm sop met vetkoekies  
hv Mignon- en Karel Trichardt-straat (oorkant Spar in Mountain View)  
Navrae aan Elmarie by 082 377 0747 of Neeltjie by 076 428 8142



- **Gemeentes Hartbeesfontein en Gerdau: Fondsinsameling 1000 Wen-'n-boerdery en Noag-se-ark-skildery**

Geleentheid om R50 000 in te samel  
Pakket van 50 kompetisieboekies met 11 kaartjies in elke boekie  
Betaal R5 000 vir pakket van R55 000  
50 pryse te wen, in totaal meer as R100 000 werd  
Wen plaasdiere, bokke, varke, duiwe en vele meer!

- **Trekking in Oktober 2013**

Kontak Barry of Marthie Pretorius van Hartbeesfontein  
by 018 431 0331, faks 086 550 1874 of [barrypret@lantic.net](mailto:barrypret@lantic.net)  
Verdere navrae aan ds Petrus Harmzen by 082 777 4253

## Basaars en markte

- **Saterdag 25 Mei 09:00 tot 14:00**

- **Gemeente Mafeking: Diamantstormloop**

By Wouter de Vos Rugbystadion in die dorp  
Verskeie stalletjies en vlooiemark  
Musiek deur Lichvaal Stereo vanaf die rugbystadion  
Verskeie diamante met gesamentlike waarde van R20 000 te wen  
Koop 'n kaartjie teen R100 en ontvang 'n pakkie diamantgruis  
Sif die *vreemde* voorwerp daarin uit en kwalifiseer dalk om 'n diamant te wen!  
Navrae aan Kallie of Nelia Landsberg (079 893 9031 of 083 665 6239)  
Bemark en verkoop u produkte – stalletjies R300 elk  
Navrae aan dr Annelie Botha (082 650 3494)  
of Magda Redelinghuys (082 825 1913)

- **Saterdag 25 Mei vanaf 08:30**

- **Gemeente Lichtenburg: Oesfees**

*Local is lekker*

Gaskunstenaar Bok van Blerk  
Vir kinders tombola, skyfskiet, glybaan, springkasteel, klimmuur  
Veiling met skilderye, leiklipware, houtmeubels, wildsbokke, Marico-mampoer, oorspronklike Springbokrugbytrui, unieke juwele, ens  
Plaasstalletjie met tuisgemaakte konfyte en lekkergoed, ingelegde vrugte, biltong, naaldwerk, handwerk, draadwerk, ens  
Kompetisie met groot pryse: R15 000; vakansie te Margate vir 5 persone; naweek te Chimera Lodge; Xbox 360 vir die kinders; Andriod Tablet 7"  
Kaartjies beskikbaar @ R20  
Kwaliteitvleis teen billike pryse  
Kontak Du Toit van der Westhuizen by 082 877 6749  
Willie Manders by 018 632 4830 / [williemanders@arestan.co.za](mailto:williemanders@arestan.co.za)  
Ds Gerrie Senekal by 082 576 1141 / 018 632 2658 / [gcsenekal@nhk.co.za](mailto:gcsenekal@nhk.co.za)

- **Vrydag 31 Mei vanaf 13:00**

- **Gemeente Delmas: Basaar**

Tema: *Water vir Lewe*

Koek, braaivleis met eerstegraad beesvleis  
en gemeente se eie resep boerewors  
Vetkoek, kerrie-en-rys, pannekoek, poeding...  
Vleisprodukte met topgraad maaltvleis en heerlike wors  
Agterkwarte beskikbaar op bestelling  
Kompetisie: 'n Boer maak en plan en 'n Boervrou het 'n plan  
Bring jou eie slim boereplan groot of klein en spog met jou eie uitvindsel (patent)  
1ste prys: R1 000; nog pryse vir 2de en 3de plekke  
Navrae aan Heleen by 013 665 2679 of [delmas@nhk.co.za](mailto:delmas@nhk.co.za)

- **Vrydag 31 Mei en Saterdag 1 Junie**

- **Gemeente Losberg in Fochville: Basaar**



Kosstalletjies, gebak, vleis, biltong, verskeie items by die witolifant en tierlantyntjies

Vir die kinders is daar 'n spookhuistent en speletjies  
Navrae aan Sannietjie Boshoff by tel/faks 018 771 2617 /  
[sanboshoff@gmail.com](mailto:sanboshoff@gmail.com)

- **Saterdag 1 Junie: Gemeente Van der Hoff op Groblersdal**  
**Basaar: Terugblik op gister**  
Op kerkterrein in Voortrekkerstraat  
Verskeie kompetisies, pret vir groot en klein  
Plaaslike sangers; vars vleis; plaasprodukte en wegneemetes te koop  
Gemeente se eie RADIO RUPERT!  
Moenie hierdie fees misloop nie...  
Kontak ds Johan P du Preez by 072 461 0993

- **Saterdag 1 Junie**  
**Gemeente Schoemansdal in Hartbeespoort**  
**Bosveld-musiekfees**  
Maak 'n uitstappie van die dag en kuier heeldag saam met ons  
Daar is genoeg vermaak en kos  
Optredes deur Mwah, Adam en Theuns Jordaan  
Gratis toegang  
Kontak Mientjie by 083 536 1530

## ANDER NUUS

- **Vakature:**  
**Administratiewe Beampte / Rekenkundige Beampte**  
By Andries-Marié Oosthuizen  
Monumenttehuis in Parys, Vrystaat  
Rekenkundige agtergrond met ondervinding  
Goeie telefoonetiket en kommunikasievaardighede veral ten opsigte van bejaarde persone  
Selfgemotiveerd en in staat om onafhanklik te werk  
Kode 08-bestuurlicensie  
Tweetalig in Engels en Afrikaans  
Rekenaargeletterd in MS Office – veral Outlook, Word en Excel  
*Pligte:* Beantwoord telefoon en kanaliseer na korrekte afdeling, algemene kantooradministrasie, invordering van geld en hantering van trustfondse, instandhouding van administratiewe en finansiële program op rekenaar  
Onderhandelbare salaris met normale diensvoorwaardes  
**Sluitingsdatum: 30 Mei 2013**  
Stuur CV aan: Mev A Botha, faks 056 817-7525, e-pos [hf@otmt.org](mailto:hf@otmt.org)
- **Vakature: Assistentverpleegster**  
By Andries-Marié Oosthuizen Monumenttehuis in Parys, Vrystaat  
Tehuis vir verswakke en selfversorgende bejaardes  
*Pligte:* Algemene versorging van inwoners, bedwas en kliniekdienste soos die neem van bloeddruk  
*Vereistes:* Goeie interpersoonlike en kommunikasievaardighede  
Vorige ervaring in veld van verpleging van bejaardes sal sterk aanbeveling wees  
Moet geregistreer wees by die Verpleegstersraad  
Normale diensvoorwaardes  
Stuur CV aan mev A Botha, faks 056 817 7525 of e-pos [hf@otmt.org](mailto:hf@otmt.org)

**KAMEELDORING KARNAVAL**  
*NOORD-KAAPSE KOS, KUIER, KUNSTENAARS EN KINDERVERMAAK!!*



**TE KOOP**  
Heerlike ontbyte • Biltong  
Braaivleis • Gemmerbier  
Pannekoek • Poeding  
en Ribburgers



Pieter Koen en ander

*Tent met kindervermaak!!*



**Saterdag 1 JUNIE 2013**  
**Hervormde Kerk, Kathu - Hekke open 09:00**

- **Nasionale Kinderbeskermingsweek** laaste week van Mei  
**Ondersteuningsraad (OSR)** versoek **gemeentes en kategese klasse** om **blikkieskos in te samel** en torings daarmee te bou  
Kyk hoe hoog die toring gebou kan word  
of maak die toring 'n simboliese voorstelling van kinderbeskerming  
Skenk die blikkieskos aan die naaste OSR-kantoor vir hulpbehoewende gesinne  
of aan enige welsynkantoor of skoolvoedingskema  
Stuur **foto's** van die torings na [oraadpb@nhk.co.za](mailto:oraadpb@nhk.co.za) / [diakens@nhk.co.za](mailto:diakens@nhk.co.za)  
vir plasing op die ADV/OSR se webblad  
Gemeentes kan ook ander aktiwiteite hieroor aanbied  
Preke vir die Sondag kan aan die tema gewy word  
Kontak Charmaine Fourie by 012 322 8885 x313 / [oraadpb@nhk.co.za](mailto:oraadpb@nhk.co.za)
- **Transvalia-skool vir Epilepsie en Leergestremdheid**  
**Vrydag 7 Junie om 19:30 in die Aula, UP**  
Romanz en Nianell: *'n Duisend drome*  
Kaartjies R120 tot R150 per persoon  
Besprekings by skool 012 800 1071 (kantoorure) /  
Marietjie 083 294 8246 (naure) / Lizet 082 550 6960
- **Nuwe nasionale fondsinsamelingsprojek op 31 Mei**  
Plakkers te koop @ R10 elk  
**5 soorte plakkers**  
Diere; algemene welsyn in gemeenskap; kinders; gestremdheid; onderwys  
Ook spesiale paar vetters te koop @ R30  
As deel van die plakker is daar ook 'n kleiner plakker om op jou selfoon te plak  
Bestel van TOIBO: Arina Jooste 012 320 7644 / 082 560 5213
- **450 jaar Heidelbergse Kategismus**  
**Gesprek oor die Kategismus tot versterking van geloof**  
**Datum: Maandag 17 Junie**  
Plek: Gereformeerde Kerk Bellville, Broadwaystraat 6, Vredelust, Bellville  
Tyd: 17:00 tot 21:30 (aandete en verversings)  
Toegang: Deurkollekte; ete moet vooraf bespreek word @ R25  
Sprekers: Dr Victor E. d'Assonville, dr Lourens Erasmus,  
dr Gerard Meijer, ds Erik van Alten  
Gespreksleier: Ds Coen Vrey  
Vir bespreking van ete: 021 911 5419 of [cca.vrey@telkomsa.net](mailto:cca.vrey@telkomsa.net)  
Vir algemene navrae: 012 332 1196 of [gerardmeijer@gmail.com](mailto:gerardmeijer@gmail.com)



## Advertensies in die e-Hervormer

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word.** Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar **daar sal nie onderhandel word oor die uitleg** daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskartjie** wees nie.

Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). **GEEN** advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag.

Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads.**

## AGTERBLAD

**Nuut in Junie 2013**

### Lees in *Konteks* van Junie 2013

- Uitreik na seelui
- Blind of in 'n rolstoel in informele nedersettings
- Maak kennis met die ring van Wes-Kaapland

### Lees in *Die Hervormer* van Junie 2013

- Ouderlinge se mening oor ons kerkwees
- Finansiële tendense in die Hervormde Kerk
- Prof Bart Oberholzer oor die toekoms van die Kerk

Hierdie uitgawes sal binne die volgende week beskikbaar wees.

